

Lycopodium.

Semina Lycopodii D. 50.

(*Lycopodii Semina vel Farina Sv. 45. Semina Lycopodiorum N. 54.*)

Hexemel.

Lycopodium clavatum L.

Pulvis subtilissimus, mobilissimus, pallide flavus, digitis adhaerescens, Aqvae, qua difficulter miscetur, innatans, prunis injectus cum strepitu celerrime deflagrans. Sit prorsus siccus, non adulteratus quisquiliis vel polline saturate flavo Pinorum aliarumque plantarum, qui pulvis facilius conglomeratur; cum Aqva coctus, Solutione Jodi spirituosa addita, colorem caeruleum ne efficiat.

Manna.

Manna calabrina D. 50.

(*Manna electa v. calabrina optima Sv. 45. Manna Orni Europaeae N. 54.*)

Manna.

Fraxinus Ornus L.

Frusta plana vel canaliculata, siccata levia, fragilia, subviscida, fracta strata concentrica exhibentia, colore albido vel subflavo, sapore dulci, non acri. Dispensetur, si medicus Mannam canellatam vel electam poposcerit.

Massae irregulares, albidae vel subflavae, glebulis subfuscis et subviscidis mixtae, varia magnitudine, sapore subdulci cum quadam acrimonia, nauseoso, vocantur Manna vulgaris vel „Gerace“.

Utraque in Aqva et Spiritu bullienti, nullo fere residuo relicto, solvi potest.

Massa Pilularum de Cynoglosso.

(*Massa Pilularum sedantium cum Cynoglosso N. 54.*)

Hundetunge-Pillemasse.

R. Opii pulverati, 4

Radicis Cynoglossae pulveratae,	4
Seminis Hyoseyami pulverati, singulorum partes quatuor,	4
Gummi-Resinae Myrrhae pulveratae partes sex,.....	6
Gummi-Resinae Olibani pulveratae partes quinque, ..	5
Florum Caryophylli pulveratorum,	2
Corticis Cinnamomi Cassiae pulverati,	2
Radicis Althaeae pulveratae, singulorum partes duas; 2	

miscantur et in vase clauso serventur. Haec mixtura, si Pilulae ex ea paratae postulatae sunt, Syrupo Sacchari addito, in massam redigatur, et, nisi magnitudo Pilularum praescripta est, viginti quinque Pilulae e tribus grammatibus massae formentur.

Massa Pilularum Resinae Jalapae.

Sapo jalapinus D. 50.

(*Massa Pilularum Resinae Ipomaeorum N. 54*).

Jalape-Sæbe-Pillemasse.

℞. Resinae Jalapae contusae,	4
Saponis medicati rasi, singulorum partes quattuor, ..	4
leni calore adhibito solvantur in	
Spiritus concentrati partibus octo	8.
Solutio, eodem calore adhibito, inter perpetuam agitationem ad	
partes novem	9
evaporetur. In vase probe clauso servetur.	

Sit e fusco cana. In Spiritu solvi potest.

Mel album.

Mel D. 50.

(*Sv. 45. Mel album N. 54*).

Honning.

Apis mellifica L.

Quum recens syrupi spissi et diaphani consistentia sit, tempore progrediente in massam granulosam et opacam mutatur, colore albido-flavo vel flavo, sapore dulcissimo, odore peculiari et aromatico. Sit reactione subacida, cum Aqva et Spiritu solutionem mediocriter turbidam praebeat.


Mel depuratum.

Mel despumatum D. 50.

(*Mel depuratum Sv. 45. Mel despumatum N. 54*).

Renset Honning.

℞. Mellis albi partes centum quinquaginta; 150
terantur in

Aqvae communis partibus centum..... 100
et misceantur; 

Albuminis Ovi partibus quattuor..... 4
in Aqvae communis partibus viginti quinque 25
solutis,

‡ Cretae albae pulveratae partibus duabus..... 2.

‡ Mixtura inter agitationem ebulliat, ut Albumen Ovi coaguletur, deinde per pannum laneum coletur, tum, calore 90° non excedente adhibito, ad syrupi consistentiam evaporetur atque iterum coletur; post refrigerationem in vase clauso loco frigido servetur.

Sit e flavo fuscum et limpidum; cum Aqva solutionem limpidam praebeat; ne sit odore vel sapore empyreumatico neve acido.

Mel Rosae.

Mel rosatum D. 50.

(*Mel Rosae Sv. 45. Mel rosaceum N. 54*).

Rosen-Honning.

℞. Florum Rosae gallicae concisorum partem unam; .. 1
immittatur in

Aqvae communis bullientis partes sex, 6
 tum, digestionem per octo vel duodecim horas facta, exprimantur. Liqvor seponatur, ut turbantes partes subsidant, deinde filtratus misceatur

Mellis depurati partibus decem, 10
 tum, calore 90° non excedente adhibito, ad consistentiam syrupi evaporetur atqve coletur; post refrigerationem in vase clauso loco frigido servetur.

Sit paene limpium, colore e subrubro fusco, sapore subadstringenti; ne sit odore vel sapore empyreumatico nec acido.

Minium.

(*Se. 45. N. 54.*)

Monnie.

Pulvis ponderosus et laete ruber; in Acido nitrico ex parte solvatur, superoxydum fuscum relinqvens, Acido oxalico addito, paene sine residuo solvatur.

Mixtura acida sulphurica.

Mixtura acida mineralis D. 50.

(*Mixtura acida N. 54.*)

Sur Mixtur.

℞. Acidi sulphurici diluti partes tres, 3
 Aqvae destillatae partes centum, 100
 Syrupi Rubi idaei partes viginti duas 22.

Misceantur.

Sit limpida et colore pulchre rubro.

Mixtura alba.

Loco Decocti albi D. 50.

(Mixtura alba N. 54).

Hvid Stoppe-Mixtur.

℞. Testarum Ostrearum praeparatarum,	3
Gummi arabici pulverati, singulorum partes tres . . .	3.
Conterantur cum	
Aqvae filtratae partibus octoginta octo.	88.
Deinde admisceantur	
Syrupi Sacchari,	3
Aqvae Cinnamomi spirituosae, singulorum partes tres	3.
Paretur ex tempore.	
Sit turbida et colore albo.	

Mixtura camphorata.

(N. 54).

Kampher-Mixtur.

℞. Camphorae partem unam;	1
conteratur cum aliquot guttis Spiritus concentrati, deinde cum	
Mucilaginis Gummi arabici partibus quattuor	4.
Admisceantur	
Syrupi Rhoeados partes quindecim.	15
et Aqvae Sambuci partes centum quinque	105.
Paretur ex tempore.	

Mixtura Ferri composita.

Mixtura Griffithiana D. 50.

(Emulsio Myrrhae ferrata Sv. 45. Mixtura Balsamodeudri ferrata N. 54).

Griffiths Mixtur.

℞. Carbonatis kalici partem unam,	1
---	---

Gummi-resinae Myrrhae pulveratae partes duas.....	2.
Conterantur cum	
Aqvae Rosae partibus centum,	100
et in lagena misceantur cum	
Sulphatis ferrosi parte una,	1
Sacchari albi partibus sex	6
in Aqvae Rosae partibus quadraginta	40
solutis. Lagena statim summa diligentia obturanda est.	
Paretur ex tempore.	
Initio sit colore e subviridi albo, postea colore rubiginoso.	

Mixtura Saleb.

Infusum Saleb D. 50.

(*Mucilago Radicis Orchidum N. 54*).

Saleb-Mixtur.

R. Tuberis Saleb pulverati partem unam;	1
conqvassetur cum tanta copia	
Aqvae communis,	
ut, liqvore inter assiduam agitationem cocto,	
partes nonaginta duae	92
parentur, qvibus affundantur	
Syrupi Fructus Papaveris partes octo	8.
Paretur ex tempore.	
Sit e subflavo alba et mucilaginoso.	

Morphina.

Morphium D. 50.

(*Morphina Sv. 45. Morphinum crystallisatum N. 54*).

Morphin.

Crystalla alba, nitentia, non fatiscientia, sapore amaro, in Aqva, Aethere, Chloroformio vix solvantur, in Spiritu facilius

solvantur, in Acidis et Solutione Hydratis natriei facillime solvantur. Ignita sine residuo deflagrent. Serventur in vase vitreo probe clauso.

Morsuli purgantes rosati.

Morsuli Rosarum purgantes D. 50.

Rosen-Laxersukker.

R. Sacchari albi contusi partes centum sexaginta sex, 166
calore adhibito, in

Aqvae Rosae partibus quinqvagina sex, 56
solvantur et coqvendo in justam consistentiam redigantur,
quo facto, mixtura ex

Tuberis Jalapae pulverati partibus viginti quinqve, 25

Scammonii pulverati partibus tribus, 3

Ligni Santali rubri pulverati partibus sex, 6

parata, celeriter admisceatur. Massa in modulum morsulorum, antea Aqva leviter humectatum, continuo effundatur et refrigerata in frusta ponderis grammatum quaternorum dissecetur. Frusta loco sicco serventur.

Sint morsuli sicci non adhaerentes.

Nota. Singula frusta, quorum pondus est grammatum quaternorum, sena fere centigrammata Scammonii et quinqvagina centigrammata Tuberis Jalapae contineant.

Moschus.

Moschus orientalis s. tunqvinensis D. 50.

(*Moschus tunqvinensis vel chinensis Sv. 45. Moschus N. 54.*)

Moskus.

Moschus moschiferus L.

Massa primo unguinosa, mox grumosa, ex granis variae magnitudinis constans, pingviter nitens, colore obscure fusco; trita in stratum tenue extenuari potest; sapore est subamaro.

odore peculiari, diu permanenti, penetrantissimo. Invenitur secreta et inclusa in folliculo proprio, intus membrana tenui et fusca vestito, e quo exempta ante usum membranis et pilis purgetur. Folliculus ipse est paene hemisphaericus, tria vel quattuor centimetra latus, hinc planiusculus et glaber, illinc convexus pilisque obsitus e flavo subfuscis, apice obscurioribus, rigidis, in ambitu adpressis, circum duo foramina subcentralia in verticem erectis. In vase probe clauso servetur.

Cave a folliculis adulteratis, qui, parte Moschi exempta, alia massa repleti sunt. Moschus venalis e folliculo exemptus, Moschus ex vesicis qui vocatur, ne adhibeatur, neve Moschus russicus vel kabardinicus, in folliculo massam clariorem continens, cujus odor sit multo debilior et urinae similis.

Mucilago Cydoniae.

Mucilago Seminum Cydoniorum D. 50.

(*Mucilago Cydoniorum Sv. 45. Mucilago Seminum Cydoniae N. 54*).

Quæde-Slim.

℞. Seminis Cydoniae partem unam;..... 1
per quintam vel quartam partem horae cum
Aqvæ Rosæ partibus quinqvaginta 50
continenter conqvassetur, tum coletur.
Paretur ex tempore.
Sit limpida et permucilaginoso.

Mucilago Gummi arabici.

(*Sv. 45. Mucilago Gummi Acaciarum N. 54*).

Gummi-Slim.

℞. Gummi arabici partem unam;..... 1
solvatur inter agitationem saepius repetitam in
Aqvæ destillatæ partibus duabus..... 2.
Solutio coletur et loco frigido servetur.
Sit limpida colorisque paene expers.